



SLUŽBENI LIST

GRADA NOVOG PAZARA

GODINA XXIX

BROJ 14

NOVI PAZAR, 23. MAJ 2024.

GODIŠNJA PRETPLATA JE 10000 DIN.

AKTI GRADSKOG VIJEĆA

163.

Na osnovu člana 58. Zakona o zaposlenima u autonomnim pokrajinama i jedinicama lokalne samouprave („Sl. glasnik RS“, br. 21/2016, 113/2017, 95/2018, 113/2017 - dr. zakon, 95/2018, 86/2019 - dr. zakon, 157/2020 - dr. zakon, 114/2021, 123/2021 - dr. zakon i 92/2023), saglasno Uredbi o kriterijumima za razvrstavanje radnih mjesta i merilima za opis radnih mjesta službenika u autonomnim pokrajinama i jedinicama lokalne samouprave („Službeni glasnik RS“, broj 88/2016, 113/2017 - dr. zakon, 95/2008 - dr. zakon, 86/2019 - dr. zakon, 157/2020-dr. zakon, 123/2021 - dr. zakon i 12/2022), Uredbi o kriterijumima za razvrstavanje radnih mjesta i merilima za opis radnih mjesta namještenika u autonomnim pokrajinama i jedinicama lokalne samouprave („Službeni glasnik RS“, broj 88/2016), Gradsko vijeće grada Novog Pazara, na prijedlog načelnika Gradske uprave za izvorne i povjerene poslove grada Novog Pazara, na sjednici održanoj dana 23. maja 2024. godine, usvojilo je

PRAVILNIK O IZMJENAMA I DOPUNAMA PRAVILNIKA O ORGANIZACIJI I SISTEMATIZACIJI RADNIH MJESTA U GRADSKOJ UPRAVI ZA IZVORNE I POVJERENE POSLOVE GRADA NOVOG PAZARA, GRADSKOJ UPRAVI ZA NAPLATU JAVNIH PRIHODA GRADA NOVOG PAZARA, GRADSKOM PRAVOBRANILAŠTVU GRADA NOVOG PAZARA I SLUŽBI INTERNE REVIZIJE GRADA NOVOG PAZARA

Član 1.

U Pravilniku o organizaciji i sistematizaciji radnih mjesta u Gradskoj upravi za izvorne i povjerene poslove grada Novog Pazara, Gradskoj upravi za naplatu javnih prihoda grada Novog Pazara, Gradskom pravobranilaštvu grada Novog Pazara i Službi interne revizije grada Novog Pazara, broj 02-88/22 od 07.11.2022. godine, broj 02-3/23 od 13.04.2023. godine, broj 02-51/23 od 01.06.2023. godine, broj 02-78/23 od 22.09.2023. godine, broj 02-84/23 od 27.10.2023. godine i 016-19/23 od 23.11.2023. godine, broj 02-115/23 od 28. decembra 2023. godine, 02-6/24 od 26. januara 2024. godine i 02-68/24 od 28. marta 2024. godine, vrše se sljedeće izmjene i dopune:

Član 2.

U članu 4. tabela se mijenja i glasi:

U Pravilniku su sistematizovana sljedeća radna mjesta:

Funkcioneri – izabrana i postavljena lica	9	
Službenik na položaju – I grupa	2 radna mjesta	2 službenika
Službenik na položaju – II grupa	2 radna mjesta	2 službenika
Službenici - izvršioici	Broj radnih mjesta	Broj službenika
Samostalni savjetnik	74	75
Savjetnik	109	183
Mlađi savjetnik	26	37
Saradnik	6	8
Mlađi saradnik	/	/
Viši referent	35	50
Referent	2	10
Mlađi referent	1	13
Ukupno:	253 radnih mjesta	376 službenika
Namještenici	Broj radnih mjesta	Broj namještenika
Prva vrsta radnih mjesta	2	2
Druga vrsta radnih mjesta	1	2
Treća vrsta radnih mjesta	1	1
Četvrta vrsta radnih mjesta	18	58
Peta vrsta radnih mjesta	8	15
Ukupno:	30 radnih mjesta	78 namještenika

Član 3.

Član 5. stav 1. mijenja se i glasi:

„Ukupan broj sistematizovanih radnih mjesta u Gradskoj upravi za izvorne i poverene poslove grada Novog Pazara je 234 i to :

2 službenika na položaju,

206 radnih mjesta za 309 službenika na izvršilačkim radnim mjestima.

30 radnih mjesta za 78 namještenika.”

Član 4.

U članu 37. tabela se mijenja i glasi:

Pravilnik sadrži radna mjesta na položajima, izvršilačka radna mjesta i radna mjesta na kojima rade namještenici.

Zvanje	Broj radnih mjesta	Broj službenika
Službenik na položaju – I grupa	1 radno mjesto	1 službenik
Službenik na položaju – II grupa	1 radno mjesto	1 službenik
Službenici - izvršiooci	Broj radnih mjesta	Broj službenika
Samostalni savjetnik	58	58
Savjetnik	89	148
Mlađi savjetnik	24	32
Saradnik	6	8
Mlađi saradnik	/	/
Viši referent	28	42
Referent	1	8
Mlađi referent	1	13
Ukupno :	206 radnih mjesta	309 službenika
Nameštenici	Broj radnih mjesta	Broj namještenika
Prva vrsta radnih mjesta	2	2
Druga vrsta radnih mjesta	1	2
Treća vrsta radnih mjesta	1	1
Četvrta vrsta radnih mjesta	18	58
Peta vrsta radnih mjesta	8	15
Šesta vrsta radnih mjesta		
Ukupno:	30 radnih mjesta	78 namještenika

Član 5.

U odjeljku 2. Odjeljenje za društvene djelatnosti, stav 1. se mijenja i glasi:

„U Odjeljenju za društvene djelatnosti, sistematizovano je 27 radnih mjesta za 44 službenika i 5 namještenika“.

U istom Odjeljku u tački 2.14. **Poslovi utvrđivanja prava na naknadu zarade za vreme porodiljskog odsustva i odsustva sa rada radi njege djeteta, mijenja se broj službenika, tako da se riječi:**

„Broj službenika: 1“, zamjenjuju riječima „Broj službenika 2“.

Član 6.

U Odjeljku 17. Odjeljenje za vanredne situacije i poslove odbrane u tački 17.3. Poslovi opsluživanja Gradskog štaba za vanredne situacije i poslovi civilne zaštite, mijenjaju se uslovi za zasnivanje radnog odnosa i glase:

„Stečeno visoko obrazovanje na osnovnim akademskim studijama iz polja tehničko-tehnološke nauke-oblast tehnološko inženjerstvo u obimu od najmanje 240 ESPB bodova, master akademskim studijama, master strukovnim studijama, specijalističkim akademskim studijama, specijalističkim strukovnim studijama, odnosno na osnovnim studijama u trajanju od najmanje četiri godine ili specijalističkim studijama na fakultetu, najmanje 3 godine radnog iskustva u struci, položen državni stručni ispit, kao i potrebne kompetencije za obavljanje poslova radnog mjesta.“

Član 7.

Ovaj Pravilnik o izmjeni i dopuni Pravilnika o organizaciji i sistematizaciji radnih mjesta u Gradskoj upravi za izvorne i povjerene poslove grada Novog Pazara, Gradskoj upravi za naplatu javnih prihoda grada Novog Pazara, Gradskom pravobranilaštvu grada Novog Pazara i Službi interne revizije grada Novog Pazara stupa na snagu u roku od osam dana od dana objavljivanja u „Službenom listu grada Novog Pazara“.

Broj: 02-106/24

U Novom Pazaru, 23. maja 2024. godine

**GRADSKO VIJEĆE
GRADA NOVOG PAZARA**

**PREDSJEDNIK VIJEĆA
Nihat Biševac**

AKTI GRADONAČELNIKA**164.**

Na osnovu člana 38. i člana 39. stav 1. tačka 3) Zakona o smanjenju rizika od katastrofa i upravljanju vanrednim situacijama („Sl. glasnik RS“, br. 87/18), člana 20. stav 1. tačka 8, člana 23. stav 4, člana 44. i člana 66. stav 4. Zakona o lokalnoj samoupravi („Sl. glasnik RS“, br. 129/2007, 83/2014 – dr. zakon, 101/2016 – dr. zakon i 47/2018 i 111/2021 – dr. zakon), člana 62. stav 1. tačka 15) Statuta grada Novog Pazara br. 010-1/19, a na osnovu Zaključka Gradskog štaba za vanredne situacije broj 06-176/24, Gradonačelnik grada Novog Pazara donosi

ODLUKU O PROGLAŠENJU VANREDNE SITUACIJE NA CIJELOJ TERITORIJI GRADA NOVOG PAZARA

- I.** Proglašava se vanredna situacija za cijelu teritoriju grada Novog Pazara;
- II.** Vanredna situacija se proglašava zbog elementarne nepogode - obilne kiše i grada, pri čemu je došlo do izlivanja vodotokova i kišne kanalizacije na teritoriji grada Novog Pazara;
- III.** Po Prijedlogu Gradskog štaba za vanredne situacije da se proglasi vanredna situacija na cijeloj teritoriji grada Novog Pazara jer postoji realna opasnost od ugrožavanja imovine, života i zdravlja ljudi;
- IV.** Ova Odluka stupa na snagu danom donošenja, a objaviće se u „Službenom listu grada Novog Pazara“.

Broj: 87-9/24

U Novom Pazaru, 21. maja 2024. godine

GRADONAČELNIK

GRADONAČELNIK
Nihat Biševac

AKTI JAVNOG PREDUZEĆA

165.

Na osnovu člana Zakona o planiranju i izgradnji („Službeni glasnik RS“, br. 72/2009, 81/2009-isp., 64/2010-odluka US, 24/2011, 121/2012, 42/2013 - odluka US i 50/2013, 132/2014, 145/2014, 83/2018, 31/2019, 37/2019 - i dr. zakon 9/2020, 52/2021 i 62/2023), član 5. stav 1. Pravilnikom o sadržini, načinu, postupku i rokovima izrade i objavljivanje separata („Službeni glasnik RS“, br. 33/2015), JP za uređivanje građevinskog zemljišta „Novi Pazar“, donosi

SEPARAT O TEHNIČKIM USLOVIMA IZGRADNJE

I. PRAVNI OSNOV

Separat o tehničkim uslovima izgradnje (u daljem tekstu: separat) je dokument kojim imalac javnih ovlaštenja donosi u okviru svoje nadležnosti kada planski dokument ne sadrži uslove, odnosno podatke za izradu tehničke dokumentacije, a naročito kapacitete i mjesto priključenja na komunalnu i drugu infrastrukturu.

JP za uređivanje građevinskog zemljišta „Novi Pazar“ je na osnovu Odluke o komunalnom uređenju glava III-UREĐENJE, ODRŽAVANJE I ZAŠTITA ZELENIH POVRŠINA - članova od 56. do 68. („Sl. list grada Novog Pazara“, br. 2/2009, 8/2009, 6/2010, 2/2012 - dr. odluka 5/2022 i 7/2022) imalac javnih ovlaštenja u oblasti komunalne delatnosti - projektovanje i nadzor na održavanje javnih zelenih površina i čistoće na teritoriji grada Novog Pazara.

JP za uređivanje građevinskog zemljišta „Novi Pazar“ na osnovu Odluke o naknadama za korištenje javnih površina na teritoriji grada Novi Pazar („Sl. lista grada Novog Pazara“, br. 6/2021) imalac javnih ovlaštenja u oblasti javne saobraćajne infrastrukture, odnosno na poslovima upravljanja opštinskim i nekategorisanim putevima i ulicama Grada Novog Pazara.

Separat se izrađuje u skladu sa Zakonom o planiranju i izgradnji („Službeni glasnik RS“, br. 72/2009, 81/2009-isp., 64/2010-odluka US 24/2011, 121/2012, 42/2013-odluka US I 50/2013-odluka 98/2013, 132/2014, 145/2014, 83/2018, 31/2019, 37/2019-dr.zakon 9/2020, 52/2021 I 62/2023).

Uredbom o lokacijskim uslovima („Službeni glasnik RS“, br. 87/2023), Pravilnikom o sadržini, načinu, postupku i rokovima izrade i objavljivanje separata („Službeni glasnik RS“, br.33/2015).

II. OPŠTI USLOVI ZA PEJZAŽNO UREĐENJE

- Prilikom projektovanja novih objekata, sve urbanističke parcele treba da budu pejzažno uređene i opremljene.
- U toku izrade projektne dokumentacije, izvršiti inventarizaciju postojećeg biljnog fonda i kompezacionih sadržaja biljnog materijala, sačuvati i uklopiti zdravo i funkcionalno zelenilo u novo planirano rješenje.
- Tokom građevinskih radova, površinski sloj zemlje lagerovati i koristiti ga za nasipanje površina predviđenih za ozelenjavanje.
- U zavisnosti od vrste podloge, planirati humusiranje slobodnih površina u sloju od minimalno 30-50 cm.
- Za ozelenjivanje koristiti reprezentativne, visokodekorativne autohtone biljne vrste, rasadnički od njegovane starosti.
- Karakteristike sadnica drveća za ozelenjivanje treba da budu:
 - minimalna visina sadnice 2.5-3.0m
 - minimalni obim stable na visini od 1m od 14-16cm.
- Kod kolektivnih stambenih objekata preporučuje se udruživanje urbanih parcela (u smislu uređenja) da bi se postiglo formiranje osnovnih elemenata u kombinaciji sa biljkama, pri čemu bi se izbegla usitnjenost parcela i nemogućnost formiranja blokovskih celina sa poželjnim karakteristikama.

Sistem zelenih blokova, između ostalog, čine i sledeći elementi:

- park blokovskog zelenila
 - trg/skver
 - zelenilo ulica
 - zaštitno zelenilo
 - zelenilo poslovnih objekata.
-
- Minimalni procenat zelenih površina, u zavisnosti od tipa i namjene objekta iznosi 10-50% zelenih površina u odnosu na Urbanistički projekat.
 - Kompoziciju zelenila stilski i funkcionalno uskladiti sa arhitekturom objekta.
 - Pri izboru vrsta, koristiti one koje su najotpornije u odnosu na uslove sredine i koje zahtevaju minimalne uslove u smislu njege i održavanja.
 - Sadnju vršiti u vidu solitera ili grupacijama-kombinacija drveća i šiblja, u skladu sa prostornim mogućnostima i budućom namjenom.
 - Visoka stabla u kombinaciji sa visokim žbunjem koristiti za oivičenje blokova i postizanje senke.
 - Koristiti brzo rastuće, dekorativne biljne vrste.
 - Prilikom izbora sadnog materijala, voditi računa o uslovima sredine, dimenzijama, boji, obimu debla kod drveća, vizurama, spratnosti i blizini budućih objekata.

- Na strmim terenima koristiti pokrivače tla za formiranje travnjaka koristiti vrste otporne na sušu i gaženje.
- U okviru bloka/blokovskog zelenila predvidjeti prostor za odmor ili dečiju igru.
- Mogućnost razdvajanja parcela i izolaciju od saobraćajnica sprovesti podizanjem zaslada žive ograde ili formiranjem drvoreda.
- Sprovoditi sadnju drvorednih sadnica unutar parcele/parcela između regulacione i građevinske linije.

III. OSTALE ODREDBE

- Za situacije koje nisu obrađene ovim Separatom JP za uređivanje građevinskog zemljišta „Novi Pazar“ će definisati posebne tehničke uslove po zahtevu investitora ili projektanta.
- U slučaju da su uslovi propisani u Separatu u suprotnosti sa uslovima propisanim planskim aktom primjenjuje se uslovi iz planskog akta.

SASTAVNI DIO SEPARATA JE GRAFIČKI PRIKAZ JAVNIH ZELENIH POVRŠINA IZ PGR-a (I-VI) NA TERITORIJI GRADA NOVOG PAZARA PODIJELJENA PREMA SPISKU PODRUČJA PO ZONAMA (KARTA ZONA):

-EKSTRA ZONA

-PRVA A ZONA

-PRVA B ZONA

-DRUGA A ZONA

-DRUGA B ZONA

-TREĆA A ZONA


-TREĆA B ZONA

-ČETVRTA A ZONA


-ČETVRTA B ZONA

-PETA ZONA

-LINEARNA ZONA







IV. PRELAZNE I ZAVRŠENE ODREDBE

Uslovi sadržani u ovom separatu obavezujući su za sve učesnike u postupku.

Izmjene i dopune separata mogu se vršiti po potrebi ili na osnovu inicijative Gradske uprave – Gradskog vijeća grada Novog Pazara.

-Ovaj separat stupa na snagu 8 (osmog) dana od dana objavljivanja u Službenom listu grada Novog Pazara.

Služba za kom. djelatnost, izgradnju i održavanje kom. infrastrukture

Senad Hašanin dig.

Direktor – J.P. za uređivanje građevinskog zemljišta „Novi Pazar,„

Berin Ljajić dipl. pravnik

AKTI GRADSKOG VIJEĆA

- 166.** Pravilnik o izmjenama i dopunama Pravilnika o organizaciji i sistematizaciji radnih mjesta u Gradskoj upravi za izvorne i povjerene poslove grada Novog Pazara, Gradskoj upravi za naplatu javnih prihoda grada Novog Pazara, Gradskom pravobranilaštvu grada Novog Pazara i Službi interne revizije grada Novog Pazara **1**

AKTI GRADONAČELNIKA

- 167.** Odluka o proglašenju vanredne situacije na cijeloj teritoriji grada Novog Pazara**5**

AKTI JAVNOG PREDUZEĆA

- 168.** Separat o tehničkim uslovima izgradnje Javno preduzeće za uređivanje građevinskog zemljišta „Novi Pazar“**6**

